

## Cé chomh héifeachtach is atá sí?

Tá an vacsaín don fhlíú éifeachtach go maith. Tá cuid mhaith cineálacha de fhlíú ann agus cosnóidh an vacsaín ar na cineálacha is coitianta. Gheobhaidh méid beag daoine an fliú fiú amháin i ndiaidh dóibh an vacsaín a fháil ach is dócha go mbeidh an babhta fliú a bhfaighidh siad níos séimhe ná an babhta a bheadh orthu dá mbeidís gan an vacsaín a fháil.

Ní chosnaíonn an vacsaín daoine ach ar an fhlíú amháin. Tá cuid mhór víreas a bhíonn ann gach geimhreadh is cúis le hairíonna atá cosúil le hairíonna an fhlíú ach de ghnáth ní bhíonn siad chomh tromchúiseach leis an fhlíú féin.

## An mbaineann aon seachthoraidh leis an vacsaín?

Tá seans ann go mbeidh sé nimhneach go ceann tamaill bhig sa bhall den chorp ina bhfaightear an instealladh. Uaireanta bíonn fiabhras beag agus matáin nimhneacha ar dhaoine ar feadh cúpla lá i ndiaidh na vacsaíne. Is annamh a bhíonn freagairtí eile uirthi.

## An bhfuil aon duine ann ar chóir dó gan an vacsaín a fháil?

Níor chóir duit an vacsaín a fháil má tá áilléirge d'uibheacha circe ort. Ní mholtar duit an vacsaín a fháil má tá tú ag iompar clainne. Má tá amhras ort, cuir ceist ar do dhochtúir.

## Cad é mar a fhaightear an vacsaín?

Téigh i dteagmháil le do ghnáthdhochtúir agus déan coinne leis chun an instealladh fliú a fháil nó faigh amach an bhfuil rún aige clinic fliú a thionól.

## Le tuilleadh eolais ar an vacsaín don fliú a fháil:

Labhair le do ghnáthdhochtúir, le banaltra do ghnáthdhochtúra, le banaltra an cheantair, nó le poitigéir.



**Health  
Promotion  
Agency**

**The Health Promotion Agency for Northern Ireland**  
18 Ormeau Avenue, Belfast BT2 8HS  
Tel: 028 9031 1611 Fax: 028 9031 1711  
Website: [www.healthpromotionagency.org.uk](http://www.healthpromotionagency.org.uk)

# Cosain



## thú féin

## Ná faigh an fliú faigh an vacsaín



**Health  
Promotion  
Agency**

**Irish translation  
Catch the vaccine not the flu**

## Cad é is fliú ann?

Tugtar fliú uaireanta ar dhrochshlaghdán ach i ndáiríre is measa i bhfad an fliú.

Is galar iontach tógalach an fliú agus is víreas is cúis leis. Tá an fiabhras, creathanna fuaight, tinneas cinn, matáin nimhneacha, an chasachtach, agus tinneas sceadamáin i measc chomharthaí an fhliú - agus toisc gur víreas é an fliú ní chuideoidh frithbheathaigh leis.

Bíonn an fliú ann gach geimhreadh ach bíonn an víreas ag athrú i rith an ama. Má bhí an fliú ort nó má fuair tú an vacsaín dó anuraidh féin, ní chosnóidh sé i mbliana tú.

## Cé chomh tromchúiseach is atá an fliú?

Is olc an eachtra an fliú a bheith ar dhuine ar bith fiú amháin ar dhuine a bhfuil togha na sláinte air. Sna cásanna is measa de, féadann sé tinnis ar tromchúisí iad amhail an broincíteas agus an niúmóine a tharraingt agus caithfidh duine dul isteach san ospidéal leis.

Mar sin de, ná téigh sa seans - déan deimhin de nach bhfaighidh tú féin an fliú tríd an vacsaín a fháil.

## Cé dó ar cheart an vacsaín a fháil?

Gach duine os comhair 65 bliana d'aois fiú amháin má airíonn tú i do shláinte.

Cibé aois thú, ba chóir duit an vacsaín a fháil má tá ceann de na tinnis ainsealacha tromchúiseacha nó fadhbanna sláinte seo a leanas ort:

- tinneas croí nó tinneas cliabhraigh amhail an múchadh;
- an diaibéiteas;
- tinneas ainsealach duáin;
- imdhíonacht íslithe mar gheall ar thinneas nó ar chóireáil leighis amhail stéaróidigh nó teiripe ailse;
- tinneas ainsealach tromchúiseach eile - cuir ceist ar do dhochtúir mura bhfuil tú cinnte de.

Ba chóir do dhuine ar bith a bhfuil cónaí air i dteach banaltrachta an vacsaín a fháil mar go leathann an fliú go gasta.

## An féidir an fliú a fháil ón vacsaín?

Ní FÉIDIR! Níl aon víreas beo sa vacsaín, agus mar sin de, ní thig léi an fliú a thabhairt duit.

## Cá huair is fearr an vacsaín a fháil?

Is tábhachtach an vacsaín a fháil i nDéireadh Fómhair nó i dtosach Mhí na Samhna le bheith ábalta bua a bhreith ar an fhliú. Ná fan go mbeidh ráig an fhliú ann. Má fhanann tú go dtí sin, beidh sé rómhall.

## Cad é mar a oibríonn an vacsaín?

Faoi cheann seachtaine go seachtain go leith i ndiaidh duit an vacsaín a fháil, déanann do chorp antashubstaintí ar víris na vacsaíne. Cuidíonn na hantashubstaintí seo le tú a chosaint ar aon víreas cosúil leo a thagann ort. Maireann an chosaint go ceann bliana.